

# Arubaanse Courant

## STATEN A APROBA MEHORAMIENTO DI PENSIOEN CU GOBIERNO A PROPONE

WILLEMSTAD -- Awe mainta Staten di Antillas Neerlandes, den un reunion publico a aproba unanimemente e proposicion di Gobierno Central pa mehora e pensioennan di e diferente categoria di empleado y trahadornan den servicio di gobierno.

E punto aki tabata e principal punto di discusion durante di e reunion di awe mainta y den promer instancia promer minister Dr. E. Jonckheer a declara cu gobierno ta contentu cu Staten ta completamente di acuerdo cu e proposicion di gobierno. Diferente persona awe mainta comenta e paso nobo aki durante e reunion.

E miembro Voges (NVP) por ehempel tabata partidario pa elimina e limite di pensioen cu ambtenaar of trahador den servicio por haña, completamente. El a bini cu e proposicion aki, hasiendo un comparacion a base di e situacion manera e ta na Hulanda. Tambe e tabata kier pa gobierno den futuro cercano bini cu un medida mediante cual e hendenan qu tabata traha pa gobierno y qu a bai cu pensioen, por haña un recompensa den nan gastunan na momento di enfermedad.

E lider di fraccion di Partido Democratico, Señor Braam, tambe a expresa su aprobacion total cu e medida aki qu tin como objetivo pa aumenta e pensioen maximo qu ambtenaarnan y trahadornan di gobierno por haña.

Al respecto el a muestra qu e

medida aki tabata menciona den e declaracion qu e actual gobierno Central a anuncia den Staten y apenas un luna despues di e anuncio aki, ya caba e medida ta cla y a ser trata.

No obstante esaki, e tabatin algun deseo y entre otro el a puntra si no ta posibel pa laga e arbeidscontractant-nan den servicio di gobierno, tambe cai bao di e arreglo di pensioen aki, especialmente pa loque ta e "smartegeld" qu vuida y huerfanonan di e hendenan aki ta haña ora nan casa bin fallece.

Tambe el a puntra con ta para cu e asunto di incorporacion di duurtetoelag den salario di ambtenaarnan.

Y finalmente e tabata kier a sa con ta para cu e esfuersonan pa hasi trahador y obreronan den servicio di gobierno, como ambtenaar, ya di e manera aki lo tin un arreglo uniforme, pa tur hende qu ta traha pa gobierno.

Den su contesta riba e observacion y preguntanan, promer minister Dr. Jonckheer a declara primeramente qu e posibilidad di qu e limite di maximo di un pensioen, ta existi pero qu semper nan mester tene cuenta cu loque ta den alcance di e loque por ser paga.

### Staten a aproba ley pa miembronan di Staten huramenta den 14 dia

WILLEMSTAD -- Como ultimo punto riba e agenda di e reunion publico di Staten awe mainta, tabatin e proposicion qu tur lider di fraccion a manda siman pasa pa gobierno Central, den sentido qu un miembro di Staten qu haña su nombramento, mester presta huramentu serca gobernador qu e ta bai Staten, denter di 14 dia, despues qu su nombramento ser anuncia.

Originalmente e proposicion tabata pa e miembro di Staten presta huramentu den un periodo di ocho dia, pero promer qu e reunion di awe mainta, e mesun personanan a entrega e cambio pa hasi e periodo enbes di ocho, 14 dia.

E unico miembro di Staten qu a vota contra di e ley nobo aki tabata Momon Abbad, quende ta forma un fraccion di un solo persona den Staten, despues qu e tres otro miembronan di NVP, a expulselo for di nan fraccion.

El a declara qu e ta vota contra pasobra e ta considera e medida aki como un ley qu a ser traha pa e oportunidad aki, pero inmediatamente despues di esaki, señor Fifi Romer, di Partido Nacional a declara qu Eilandenregeling ta contene clausulanan pa evita qu un persona qu ser eligi por bloquea su asiento pero qu pa Staten, e medida aki no ta existi.

Por lo tanto el a declara qu nan ta completamente na favor di e ley aki y eventualmente otro

### Manifestacion contra Sukarno



Un grupo enorme di estudiante y solda a tene un manifestacion gigantesco contra Sukarno na Djakarta antayera. Nan ta exige pa baha Sukarno pero despues nana stopnan manifestacion, pero solamente riba e condicion qu aki dos siman Sukarno mester worde baha door di Parlamento -- UPI Radiophoto --

clausulanan qu den futuro mester ser introduci pa evita qu cosnan similar por sosode den futuro.

El a declara qu e confianza qu e votadornan a deposita riba un partido ta ser completamente ignora y negligia si un persona acepta su nombramento pero keda sin presta huramentu pa drenta Staten.

E ley nobo a ser aproba cu unico voto contra di señor Momon Abbad.

Manera ta conoci, ora gobierno Central laga e ley aki drenta na vigor, diputado Pietje van der Hoeven, mester dicidi promer qu diescuater dia pasa, si e ta keda diputado of bai den Staten.

Actualmente e tin un asiento den Staten bloquea pasobra el a acepta e asiento pero no kier bai hura pa drenta Staten, pa miedu qu Mr. Torres lo haña e puesto aki, ya qu e ta prefera qu un miembro di COP mes haña e asiento aki.

Tambe el a muestra qu e smartegeld qu antes tabata un luna di pago, a ser aumenta na tres luna y respecto un observacion qu a ser hasi qu gobierno mester sigui cuida interes di e hendenan qu a bai cu pensioen, promer minister Jonckheer a splica ora e hendenan baha cu pensioen, e lazo qu nan tabatin qu gobierno a termina. Di einan en adelante, nan tin di haber cu Pensioenfonds.

Easaki ta pa diferente motibu pero esun mas principal, ta pa motibu qu si ora e hendenan aki no ta traha pa gobierno mas, y gobierno sigui mantene lazonan cu nan esaki por pone qu resto di

poblacion, qu tambe ta cai bao di responsabilidad di gobierno, lo puntra: di con pa nan si, y pa nos no?

Esaki comoquiera qu si gobierno sigui mantene lazo cu nan, nan lo ta creando medidanan social pa un grupo exclusivo di poblacion y no pa tur hende.

Tambe minister presidente Jonckheer a declara qu pa loque ta e observacion di señor Braam pa incorpora e arbeidscontractant-nan den e arreglo di pensioen, qu e no ta mira di con esaki no por ta posibel of ki obheccion portin contra di esaki.

Y finalmente el a bisa qu e incorporacion di duurtetoelag den salario di ambtenaarnan ta den

su fase final. Actualmente nan ta preparando e proposicionnan concreto na departamento di Asuntunan Economico y Social y qu tambe gobierno Central ta pensando profundamente riba e asunto di hasi trahadornan y obreronan ambtenaar den servicio di gobierno.

E asunto aki ta ser studia actualmente y si e resultado ta favorable, esaki lo sosode.

Den segunda buelta, e miembro Voges, a declara di ta satis-

Continuacion riba pag. 2

FATUM

Pa tur bo aseguronan  
Tel. 1845

### Stichting Rekencentrum a ser manda pa Gobernador destruyele

Gezaghebber interino di Corsow a manda e decision di Eilandsraad pa lanta Stichting Rekencentrum, pa gobernador di Antillas Neerlandes, sea schors e sea destrui e decision aki a base di articulo 103 di Eilandenregeling di Antillas Neerlandes. Di acuerdo cu e articulo aki eheccucion di e decision di Eilandsraad a ser aplasa por lo pronto.



OLIVIA CROES  
(Douane Club)



EDITH EVERTSZ  
(Bonaire Club)



VILMA PARIS  
(Caribe Club)



JANE PIETERSZ  
(Commandeursbaai Club)



JANE LACLE  
(Estrella Club)



LILIAN LACLE  
(Tivoli Club)



CINDYREE HO-SING-LOI  
(Orquidea Club)



Carnaval ta reina na tur parti di Aruba. Tambe cerca e padvindsternan di Filomena Groep na Oranjestad. Diamars atardi den e troephuis na Solito, leidster Judith Martha a corona Shirley Holsman como reina di carnaval di Filomena groep. Despues di e coronacion, e reina y demas padvindsternan a keda basta rato huntu pa celebra e hecho alegre aki.

### STICHTING ARUBAANSE CARNAVAL



ta invita pueblo di Aruba pa asisti na:

\* "Old Mask Parade" den San Nicolas, diabierna 3 di febr. pa 7<sup>or</sup> di anochi, saliendo di Lago Sport Park. Lo tin varios steelband, tur hende bin jump-up!

\* "Eleccion y coronacion di Reina di Carnaval di Aruba Caribbean Hotel & Casino, diabierna anochi, 3 febr. pa 10.30 <sup>or</sup>.

\* Grandioso parada di Carnaval na San Nicolas, diasabra 4 di febr. pa 2<sup>or</sup> di merdia.

\* Eleccion y coronacion di Reina di Carnaval di Strand Hotel, diasabra anochi, 4 di febr. pa 10<sup>or</sup>. Lo tin Champagne dinner \$ 10.-- Tin balle, entrada \$ 5.-- Por favor bin disfraya of bisti cu un mascara.

### NINGUN NOTICIA DI WANDEL RUST

ORANJESTAD - autoridadnan policial a informa nos diarazon merdia cu te na e momento ey, no tin ningun noticia relaciona cu e paradera di e yate "Wanderlust" cual a desaparece for di Bali pier den anochi di di luna pa diamars. Segun noticia e caballero Mericano donjo di e yate a sali en busca cu un avion di sport y un piloto, pero nan no por a jega na localisacion. E busqueda ta continua.

### AMENAZA

ORANJESTAD - Un dama a duna keho na recherche di Oranjestad cu e humber cu kende e dama ta biba den cas a menasele. Recherche a detene e humber al y ela hanja e proces-verbaal corespondiente.

### Robo den Supermercado

ORANJESTAD - Diamars tres chevalito di nuebepadisedos anja a worde atrapa precisamente na momento cu nan tabata cometiendo un robo den un supermercado. Despues cu e muchanan aki a hanja un bon skwal cerca polisnan na a worde entrega na nan

majornan pa esakinan trata nan kita e mal intencion di e muchanan cu un bon aire di sota.

### CANDELA

ORANJESTAD - Tres mucha humber dos di dies y uno di diesocho anja a cende poco yerba na candela pa noord di club Caribe diamars atardi cuat<sup>or</sup> or y binticinco. Ora cu e mucha baladinan aki a mira cu e candela ta crese y cu nan no por a dominele mas, nan mes a dicidi di jama polis, kende inmediatamente a acudi pa duna asistencia. Ta bon pa nos recorda cu candela no ta cos di hunga cune.

### TRAFICO

ORANJESTAD - Diamars merdia diesdos<sup>or</sup> tabatin un dalmento na e skina banda di Ecury Garage, entre un auto di familia y un pick-up chiquito. Parse cu na e skina aki matanan a crese di tal forma cu esaki ta obstaculosa e bista di automobilistanan. Ta consejable pa automobilistanan paga extra atencion na e skina, aki, ya cu oficialmente lo por controla naturalesa. E danjo material di e accidente aki ta 300 florin.

### ABONA ARUBAANSE COURANT

### JOYRIDING

ORANJESTAD - Autoridadnan di polis a worde notifica di un caso di joyriding cu a tuma lugar diamars mainta na Oranjestad. Mas laat polisnan a hanja e auto na Tanki Leendert.

Polisnan diamars a parti 13 proces-verbaal y mester a asisti den dos ocasion. Tambe un persona a raporta na polisnan cu ela perde un tabia completo di bilch di sorteo di awe.

### STATEN A APROBA...

Continuacion di pag. 1 fecho qu loque gobierno a priminti, especialmente despues qu Dr. Jonckheer a declara qu gobierno ta studiando un arreglo general pa enervacion pa nenter pueblo di Antillas. Al respecto, Dr. Jonckheer a bisa qu e asunto aki ta riba programa di gobierno pa e proximo periodo y considerando qu tur loque nan a anuncia riba programa den e ultimo diesdos añanan, a ser ehecuta, e ta confia qu e punto aki lo ser realisa.

Despues di e reaccionnan den segunda buelta; premier Jonckheer a rechaza definitivamente e observacion qu Gobierno ta harsi aigü mas liher pa e ambtenaarnan qu pa e trahador y obregonan. Durante e ultimo 12 añanan qu e ta den Staten, nunca nan no a cambia e arreglo di pensioen pa ambtenaarnan.



Esaki ta "Avivato" (Guillermo Gonzalez), e afamado comico Colombiano di cine y television, kende awe nochí den Wilhelmina Station lo entretene e publico grandi cu lo asisti na e eleccion y coronacion di e Reina di Carnaval di Aruba. "Avivato", kende ya a actua den casi tur e paisnan americano y entre otro den e conocido "Show de Renny", ta imita perfectamente e voznan di diferente cantante popular y a la vez e ta un comico sin par. E lo actua durante binti minut largo.



# PAGINA DEPORTIVA

PRESENTA

PA:



## Sta. Rosa a aplasta Firestone pa bira campeon di Antillas

WILLEMSTAD -- Un estadio completamente yen a mira con Santa Rosa Indians a aplasta e campeonnan di Corsow Firestone cu score di 15-1 pa conquista e titulo maximo di Antillas riba terreno di baseball. Te despues di cuater inning ainda e wegá tabata hopi pareu, pero despues a sigi un sota di tur banda pa Firestone.

Tabata notable cu Santa Rosa Indians tabatin mas tantu fanatico, y esakinan a aplaudi ki ora, cu tabatin ocasion. Den e prome cuater inningnan, Firestone a duna bon resistencia. Sam Jacobs a brilla riba monticulo ayera atrobe, y pa duna prueba di su nocimentonan como pitcher el a permiti solamente cinco hit y a poncha 18 di bateador nan adversario. Firestone mester a utiliza cuater pitcher, permitiendole 14 hit, prome cu e partido a termina.

Ora Santa Rosa Indians a subi terreno nan a wordu ricibi cu aplauso di nan fanaticonan, den cual tabata figura hopi di sexo femenino.

Firestone a actua como club bishitante y a bai bate prome. Den e ocasion aki nan a anota e prome carreda di wegá, pero na e momentonan ei, ningun hende no a pensa cu esei lo tabata tambe e ultimo.

Sam Jacobs ta subi un poco descontrola y ta permiti base por bola na Marcel Brigitha y Rudy Anastatia Djodjo Wilsoe ta conecta e prome hit di wegá pa empuha Marcel Brigitha for di segunda base. Ta sigi dos fly y un base por bola cu ta yena e tres skinanan, pero Sam ta poncha Nildo Susana pa caba cu e posible rally cu por a presenta.

Den e mesun prome inning Santa Rosa ta reacciona pa score

e carreda di empate. Boy Rosario ta empate e scoring di hit, mientras Joseph Martina ta pega doblote den rightcenter, empuhando Rosario for di primera base. Esei tabata tur loke Santa Rosa a hasi pa empata e score na un carreda.

Den e tres inningnan siguiente Firestone no ta hasi nada pa logra anota mas carreda, y esaki ta debi na cu Sam Jacobs a hanja su control di rutina y ta poncha cinco bateador.

Den ciervo di cuarto inning Santa Rosa ta presenta cunan segundo carreda cual tabata suficiente pa logra un victoria y tambe e titulo di Antillas den baseball.

Buchi Martina ta habri cu hit riba cabes, di segunda base, Eddy Daou y Sanin Daou ta bira dos out, mientras Victor Elhage ta pega hit pa empulsa Martina for di segunda.

Den quinto inning Santa Rosa ta aumenta nan ventaha na 7-1.

E carredanan a wordu anota di siguiente forma:

Chu y Ricardo Halabi ta hanja base por bola. Pachin Cornelia ta drenta pa releva Elio Anastatia cu no tabata den forma. Flores ta bati fly den rightfield. E fielder ta hasi tur su esfuerço pa captua e bala corriendo duro bini aden, pero e ta faya, pero toch e tabatin tempu pa tira segunda y hasi e bataso fielders choice. E shortstop Rudy Anasta-



E equipo di Santa Rosa Indians despues cu nan a bira campeon di baseball di Antillas ayera nochi cu un victoria di 15-1 riba Firestone.

tia cu ayera nochi tabata hunga for di forma, ta hasi mal tiru pa tercera, door di cual un carreda ta anota. Rosario tabata e siguiente bateador y ta hanja pasashi gratis pa primera riba cuater bola. Joseph Martina ta en base cu e mesun tratamiento. Eddy Daou cu den su turno anterior no a hasi nada ta pega hit limpi, empuhando Flores y Rosario, pa e anotacion bira 5-1. Sanin Daou ta pega incogible pa impulsa Martina cu e sexto carreda.

Niels Canniester ta ser yama for di den bullpen, pa reemplaza Pachin Cornelia. E prome carreda despues cu Niels a subi monticulo ta bini riba un wild pitch.

Victor Elhage ta ricibi ponche mientras Sam Jacobs ta bati fly den cuadro.

Esaki a pone fin na e rally di cinco carreda. Score 7-1.

Willy Pietersz a habri sexto inning, cu intencion di drecha e chensnan pa Firestone, conectando hit y ta yega segunda riba error. Rene Fluonia ta drenta di emergente pa Aldric Victoria

y ta bira e decimo ponche di Sam.

Fifi de Kaster ta pega liñeta-zo den man di Eddy Daou cu ta tira segunda pa realisa double-play.

Den e mesun sexto inning San-

Cont. riba pag 5



Gilbert Malach cu a drenta como corredor di emergente ta yega tercera base cu slide, mientras Alfonso ta bai di banda riba dje, pa trata na saca e corredor out.



Sam Jacobs cua resulta e pitcher ganador cu diescho ponche, ta anotando despues di a conecta homber den terreno cu un compañer na base, Victor Elhage ta wardele drenta pa e duna pabien.



## EILANDGEBIED ARUBA TOEKENNING VAN STUDIEBEURZEN

et Bestuurscollege van het eilandgebied Aruba maakt bekend, dat ten behoeve van jongelieden dit jaar wederom een aantal studie-beurzen zullen worden verleend. Bij de behandeling van de aanvragen zal in het bijzonder aandacht worden besteed aan de navolgende studierichtingen:

### STUDIERICHTINGEN: Vereiste vooropleiding:

conoom	Gymnasium A of B, H.B.S. -A of B.
potheker	Gymnasium B of H.B.S. -B
psycholoog	Gymnasium A of B, H.B.S. -A of B.
rekenant	Gymnasium, H.B.S. -A of B
eerste stuurman grote handelsvaart	
opleiding tot loods).	Mulo A (wiskunde)
hogere Technische School:	
afdeling Weg- en Waterbouw-	
unde.	
afdeling Bouwkunde	Mulo B
afdeling Electrotechniek	Mulo B
schepswerktuigkundige (machinisten)	Mulo B
opleiding voor leraar/es voor-	
ereidend hoger of middelbaar	diverse mogelijkheden
onderwijs	diverse mogelijkheden
opleiding voor leraar/es bij	
et nijverheidsonderwijs	diverse mogelijkheden
hotelvakschool	Mulo B
sociaal werker/ster	M.M.S., H.B.S. -A of B
ontgenlaborant(e)	Mulo B
logopedist (e)	volledig bevoegd onderwijzer
akte van bekwaamheid als vol-	
gedigd onderwijzer	onderwijzersakte.

DE MOGELIJKHEID OM VOOR ANDERE DAN DE HIERBOVEN GENOEMDE STUDIERICHTINGEN EEN VERZOEK IN TE DIENEN, BLIJFT BESTAAN. BIJ DE BEOORDELING VAN DE AANVRAGEN WORDT IN HET BIJZONDER REKENING GEHOUDEN MET DE BEGAAFDE VAN DE KANDIDATEN EN DE BEHOEFTE VAN HET EILANDGEBIED ARUBA.

Verzoekschriften voor het verkrijgen van een studiebeurs moeten op gezegeld papier van f. 1.--VOOR 1 maart 1967 worden ingediend bij het Bestuurscollege van het eilandgebied Aruba.

Zij die dit jaar examen doen en voor toekenning van een studiebeurs in aanmerking wensen te komen, dienen reeds THANS hun verzoekschriften in te zenden, terwijl het te behalen diploma later moet/kan worden nagezonden.

BLJ DE AFDELING ONDERWIJSZAKEN VAN HET BESTUURSKANTOOR ZIJN NADERE INLICHTINGEN TE VERKRIJGEN MET BETREKKING TOT:

- DE DUUR, ENZ. VAN DE HIERBOVEN VERMELDE STUDIERICHTINGEN.
- DE INHOUD VAN HET VERZOEKSCHRIFT EN DE OVER TE LEGGEN STUKKEN.

## SANTA ROSA A APLASTA

Continuacion di pag. 4

Rosa ta bolbe hasi dos anotacion.  
Chu Halabi ta enbasa riba cuarenta bola, Ricardo Halabi ta mira es strike pasa su dilanti. Carlos Flores ta pega hit, mientras Buchi Martina ta ricibi cuater bola pa yena e tres skinanan. Eddy Daou ta enbasa riba error di shortstop Rudy Anstatia y dos carreda ta anota.  
Den septimo inning no ta bini cambio den e score, mientras cu

den octavo Santa Rosa Indians ta amplia nan ventaha na 14-1.

Buchi Martina y Eddy Daou ta yega base riba base por bola y error di shortstop respectivamente. Malacia ta dreinta como corredor di emergente pa Eddy y Sanin ta pega hit pa un carreda, 10-1. Victor Elhage ta conecta hit pa dos carreda (12-1). Willy Pietersz ta subi monticulo y Sam Jacobs ta conecta batason di cuater skina den rightfield pa hasi e score 14-1.

Ta sigi dos hit di e rumannan Halabi, mientras cu dos base por bola tras di otro ta percura pa e ultimo carreda.

## DOS MIL RELIGIOSO A TENE MANIFESTACION NA MERCA.

WASHINGTON--UPI--Mas omeos 2 mil domi, pader, rabbi y laiconan di 45 estado di Estados Unidos a tene un manifestacion, rezando den silencio dinsti Casa Blanca, pa protesta e inmoralidad den e guerra na Vietnam.  
Un delegacion di e lidernan di religiosonan qu a reuni a hasi yamamentu na presidente Lyndon Johnson pa pone un fin ne embaardeon contra Vietnam del

Norte y tuma otro medidanan pa "disminui ritmo di e guerra te ora qu ta posibel logra un clima favorabel pe negociacionnan.  
E manifestantenan a muestra riba e hecho qu Estados Unidos lo mester acepta "paz sin victoria" na Vietnam pasobra e unico alternativa lo mester intensificacion di un guerra, qu ningun hende lo por gana sin ocasiona destruccion mes terrible qu fin di segunda guerra mundial."

# Mehor comprension entre jovennan a travez di mundo

ORANJESTAD - Na nos oficina di redaccion a jega un carta di "International Friendship League Incorporated", den cual nos ta worde informa debidamente di e trabao inmenso cu ta worde haci pa e organizacion aki. Nos propio investigacion a trece nos na e conclusion cu aki na Aruba tin hopi hende ta mantene corespondencia pa medio di carta cu personanan cu ta biba den exterior. Hopi blaha ta socode cu e personanan aki ta ricibi un portret di nan "pen pal", manera cu nan ta worde jama, pero den diferente ocasion e caso ta cu "pen palnan" ta scirbi otro sin cu nan sabi con e otro su cara ta.

"International Friendship League Incorporated", ta un organizacion educacional pa promove mejor entendimiento entre jovennan na tur parti di mundo, pa medio di carta of intercambio di viahes. Den e carta cu nos a ricibi ta pone cu;

Tur mainta un di e trucknan cora, blancu y blauw di "Uncle Sam", ta subi "Beacon hill" y pasa bai na e cuartel general di International Friendship League, cu ta situa na 40 mount Vernon Street, Boston. Aki e chauffeur ta baha sakunan jen di carta for di tur parti di mundo, carta di grandi y chiquito entre edadnan di siete pa setenta aña, kendenan ta desea di corespondencia cu Mericanonan den tur e cincuenta estadonan.

Carteronan na tur parti sa e plan di e Liga Internacional di amistad. Ora cu un Australiano scirbi un carta pa "pen friend" of "pen pal" of "Friendship League" na encargo di e hefe di posterijen, San Francisco of San Antonio, of cualquier otro parti na Estados Unidos, e carta ta bai Boston.

Den e tempo moderno aki di exploracion espacial, ningun pais no kier keda isla. Pa e motibu aki, e necesidad pa relacionnan mas estrecho y buena voluntad a worde enfatisa pa casi tur figuranan internacional. Pero no ta tur hende tin e tempo necesario y e fondo pa bishita otro paisnan y sera amistad, intercambia ideanan, pa nan conoce e cultura y e manera di biba di otro paisnan, pa evita e problema aki, amistad pa medio di corespondencia ta e metodo mas efectivo pa crea e idea di "buena voluntad y relacionnan mas estrecho internacionalmente."

For di un comienso encaso trinta ana pasa, e liga internacional di amistad awor ta dispone di mas cu cinco million intercambio di carta den tur parti di mundo. Millones di jovennan y hende grandi ta tumando parti den e intercambio di ideanan aki, cualnan constantemente ta worde manda pa casi tur parti riba mundo. E coresponsalnan ta den estrecha contacto cu otro, y di e sistema aki nan tin un fondo pa un amistad duradero y sincero.

E nombrenan y e adresnan den nos file di coresponsalnan, ta jega na nos pa medio di autoridnan educacional, amanan di cas, departamento di estado y otro officinanan. No ta sigur cu tur hende kier tende algu di un pen pal di mesun edad cu ne y ta contesta tur carta.

E estudio pa scirbi carta, compone bo ingles, debenan social, historia, geografia y di indio-manan moderno ta di hopi interes den diferente oportunidad, tambe e oportunidad pa lesa un carta cu bo a ricibi di personalmente for di un amigo na Merca pa hopi hende tende, ta juda den e educacion di comunidad. Contestando preguntanan tocante di e sistema democrati-

tur luna como nan contribucion pa promove e relacion amistoso y tolerancia entre e nacionan caminda ainda e hendenan ta goza di libertad. 35 Voluntario, representantenan di organizacionan caritativo, cabe santenan di school cu pension, trahadornan di bancu kendenan ya ta cu pension, y hopi otro nan mas ta yuda cu e trabao durante di anochi.

Si bo kier sa mas aserca di e mundo maravilloso di "penpals" dirigi un carta cu bo nomber completo, edad, adres completo, hobbenan y tur cosnan cu bo ta interesa den dje, pa Bob Yonis, "International Friendship League, 40 Mount Vernon Street, Beacon Hill, Boston, Massachusetts 02108 U.S.A.

Asina pues nos lectornan ta observa cu en realidad e personanan cu te cu e momentonan aki tabata mantene relacionan pa medio di carta cu amigonan den exterior, no solamente ta ricibi e stampianan straño, pero tambe por siña un gran cantidad di cosnan cu tal vez lo por resulte di interes den su vida futuro.

WASHINGTON--UPI--Diplomaticonan di e Organizacion di Estadonan Americano (OEA) a aplica qu e embahador di Panama, Eduardo Ritter Aislan, a papia personalmente y no na nomber di O.E.A. ora qu ela bisa na Miami diadomingo ultimo qu e conferencia di presidentenan americano lo mester trata e caso di Cuba.

Sin embargo, algun embahadornan a expresa nan preocupacion di qu e palabranan di Ritter Aislan, quende ta preside e Consejo di O.E.A. lo por ser interpreta den prensa y otro medionan di publicidad como exponente di e postura di O.E.A. en conjunto.

Ritter Aislan tambe a sugeri formacion di un gobierno cubano den exilio ora qu ela papia den un acto qu a ser organiza pe

cubanonan pa conmemora e aniversario di nacimiento di Jose Marti.

"Ritter a ser invita pa asistene celebracion riba basenan personal", asina un embahador a declara, agregando qu "e no tabata den mision di O.E.A. ora qu ela papia na su nomber".

Loke e embahador panameño a expone no ta nada nobo segun observadornan a indica. Joaquin Balaguer, presidente di Republica Dominicana a declara recientemente den un conferencia di prensa na Santo Domingo qu e reunion cumbre mester discuti e futuro di Cuba. Mas o menos un aña pasá, e embahador di Brasil Vasco Leitao da Cunha tambe a sugeri qu e Cubanonan mester forma un Gobierno den exilio.

## BERRY'S WORLD



© 1967 by NEA, Inc.

"What's the latest on George and Lynda Bird?"



NEW YORK -- Radiophoto UPI -- Despues di a firma su contract pa 100,00 dollar e gran Yankee Mickey Mantle a pone un borchi su dilanti pa muestra kiko e tin cu hasi den e anja aki. Connectando 4 homerun e ta alcanza e total di 500. Hungando 3 wega e ta empata e cantidad di Yogi Berra 2116, mientras cu si e participa den 51 wega e ta yega e total di Lou Gehrig's 2164.

## Botafogo a gana Barcelona

CARACAS -- UPI -- E equipo di futbol brasileño Botafogo ayera a impone riba e conhuerto Barcelona di Espanja cu score di tres-dos, den un partido sensacional, conquistando asina e copa di Circulo di periodistanan deportivo.

E prome gol di Botafogo a ser marca pa Airton despues di 15 minuut riba un pase di Gerson, terminando e prome tempu di e encuentro cu score di uno-cero pa e brasilenjonan.

Gerson a marca e segundo tanto di Botafogo despues di 26 minuut, aprobachando un fallo di e defensa central di Barcelona, Olivella.

Paulo Cesar a marca e tercer gol di Botafogo, faltando cinco minuut pa e wega termina den un hugada personal, rematando for di distancia di 15 meter superando e keeper Reina.

E prome gol di Barcelona, a ser produci pa Ulva un minuut despues cu un remate den e area chikitu. E mesun hugador ta bolbe marca na di 43 minuut, merced di un penalty cu e referee a duna riba un foul di Leonidas.

Den e segundo tempu Botafogo a cambia Scupira pa Airton y Rogeiro pa Edino. Barcelona den e mesun etapa a cambia Zaballa pa Seminario y Pereda pa Zaldua.

E equiponan a alineá di siguiente manera:

BARCELONA: Reina, Benitez, Olivella, Eladio Muller, Borray Urfe, Silva, Saldua, Fuste y Seminario.

BOTAFOGO: Manga, Chiquino, Leonidas, Carlos, Joel Gerson, Alfonsinho, Edino, Paulo, Airton y Roberto.

## RELATONAN GRANDI DEN CORANTNAN MERICANO RIBA CANDELA DEN APOLO

CAPE KENNEDY -- UPI -- E desastre di e nave espacial Apolo I, qu acosta bida di cuater astronauta, a keda registra riba tape qu a recohe voznan di un hende qu a bisa "candela den cabina", sigi pa un gritu largu qu a dura entre cinco y dies seconde.

Dos corant norteamericano grandí, "New York Times", y "Washington Star", a publica informenan similar den su edicionnan di awe loke a pasa.

Times, qu tabata e prome den sali cu e informacion a bisa qu e astronautanan Virgil I, Grissom, Edward White, y Roger B. Chaffee a trata na sali for di e capsula y qu durante di 12 seconde nan a lucha pa alcanza e konoppi qu ta habri e portanan di e capsula for di parti paden automaticamente. Mientras tantu un di nan a grita: "Nos ta na candela... saca nos for di aki!"

Star a informa qu despues di e prome aviso riba e candela nan a scucha otro gritunan durante 15 seconde. Tur e informacionnan anterior ta basa den declaracionnan di un persona anonima qu a bisa e scucha e tape di e ultimo momentonan den e capsula.

Direccion Nacional di Aeronautica y Espacio, a bisa, anteriormente qu e astronautanan unicamente tabatin tempu pa avisa qu tabata candela den e capsula.

New York Times ta bisa qu ora cu e tecnicoan finalmente a logra na habri un di e portanan di e capsula nan a hafia restunan mortal di Grissom y White banda di e porta y di Chaffee den fondo di e cabina.

Evidentemente e tresnan aki a sali for di stoelnan di seguridad y tabata mantene nan fiho

anatomica pero ningun a logra alcanza e konoppinan pa habri e cabina prome di tabata victima di e calor intenso di e candela violento qua ser alimenta pa oxigena puru.

E anochi di e desastre un funcionario di e Direccion Nacional

energia of si e tabata ser alimenta te ainda pa corriente di afo.

Diasabra mayor general Samuel Phillips a bisa qu e capsula tabata usa e momentonan ey energia interno y e siguiente dia un funcionario di e Direccion a bisa qu tal version tabata incorrecto y qu e sistema electrico, di e capsula te ainda tabata conecta na un waya exterior, riba e plataforma di lanzamiento.

Mas despues nan a bisa qu e correccion di e version di Phillips a ser hasi sin autorizacion superior y qu e version oficial tabata sigi ser qu e capsula ne

momentonan ey tabata usa su energia interno



Na e servicio funebre di Teniente Colonel Virgil Grissom cual a tuma lugar na Arlington, Va. varios otro astronauta a asisti entre cual nos por mira, John Glenn, Gordon Cooper, John Young, Alan Shepperd y Scott Carpenter. UPI Radiophoto.

a bisa qu e astronautanan te ainda tabata riba nan stoelnan ora qu e porta a ser habri, pero awor e Direccion ta bisa qu nan no a hasi tal declaracion. Tambe tin versionnan di qu si e capsula tabata usa su propio



Na West Point, New York Teniente James White ta devolvi salud na e guardia di honor di West Point, despues cu e bandera cual a cubri e caha di morto di Teniente Colonel Edward White a ser presenta na su casa, Sra. White. UPI Radiophoto.

## DISCUSION RIBA MALTA DEN PARLAMENTO

LONDRES -- UPI -- Gobierno a cede ante e presion di partidonan politico y a acepta na debati diahuebs den Camara de Los Comunes e crisis qu a presenta respecto e isla di Malta.

E prome ministro di Malta, doctor Borg Olivier, a comunica Inglaterra qu e mester evacua su base militar, aerea y naval den territorio di e isla aki como consecuencia di un decision britanico pa reduci e asuntunan pa defensa drasticamente durante e ultimo cuater afaanan aki.

Malta ta desea qu Inglaterra lo bolbe trata su decision.

## Gestapo tabata paga cinco florin pa cada hudiew

MUNICH (ALEMANIA) -- UPI -- Gestapo di Hitler ni siquiera a paga 30 cen di plata pa cada hudiew qu a ser entrega traicioneramente durante e guerra na Hulanda, di acuerdo cu loke un ex-mayor di e trupanen di asalto (SS) di e tercer Reich a declara dilanti di un corte.

Wilhelm Zoepf, ex-hefe di e departamento di asuntunan hudiew di Den Haag, a bisa qu e informante ta hafia cinco florin hulandes pa cada hudiew qu e reda.

Mas despues e recompensa aki mester a ser aumenta, segun ela declara sin duna mas importancia ne hecho.

Zoepf, quende tin 58 aña di edad, ta ser acusa di a yuda mata algun hudiew hulandes como parti di e programa di "exterminacion" di e regimen di Hitler.

Huntu cu n° e mester a aparece su ex-hefe, Wilhelm Hartster, ex-general di S.S. y Gertrud Slotke, quende tabata secretaria di Zoepf. Durante exposicion di Robert Kempner, fiscal alterno norteamericano den e juicio di e crimennan di guerra qu ta ser tene na Nuremberg

Presidente Johnson a asisti e servicio funebre di Astronauta Virgil Grissom, cual a tuma lugar ayera na Arlington, Va. Huntu cu presidente Johnson, nos por mira familiarnan di Grissom, su casa y juman. UPI Radiophoto.



na 1947, a surgi di ripiente nonber di Anna Frank, e mucha muher di 15 aña quende prome di a muri a scirbi un diario conmovedor di su bida.



Nan a puntra Zoepf si un blaha, mientras e tabata toca melodlanan religiosa den e organo di un misa, ela corda nonber di Frank. "Oh, Bo ta referi na Anna Frank?, asina e acusado a puntra e ora ey." Si, efectivamente. Bo ta corta e detencion di e famia?"

"Nunca mi a tuma parti den e procedimientonan ey-- asina Zoepf a bisa-- Unicamente mi tabata sa qu tabatin hopi hudiewnan scondi qu a ser entrega pe redadonan qu despues a cobra nan cinco florinnan pa cada hudiew."

SAIGON -- UPI -- Mariniernan di Merca a mata 14 comunista y a cohe otro prisionero, sin a sufrí ni un solo baja, den un emboscada banda di e base norteamericano Da Nang.

Mas ne parti Sur, otro unidad di mariniernan a mata 11 otro comunista den dos ora di batalla, contando cu apoyo di artilleria.

1967  
**CARNIVAL**  
**AVALL**  
**DI**  
**MUCHA**  
1967



RIP KIRBY

pa cortesia di

JAN BODEGOM & CO (ARUBA N.V.)

Agente exclusivo

FRIESCHE VLAG

lechi evapora y lechi en polvo.

MAXWELL HOUSE KOFFIE




DICK TRACY

presenta pa cortesia di:

VICTORIA BOTTLING

PEPSI COLA-SEVENUP-GRAPETTE-KIST--

VICTORIA SODA WATER-BUFF ALO ROCK--GINGER ALE



PEPITA



# SU FELICIDAD DEN PELIGER

"Keda un poco mas, anto despues nos ta bay huntu. Bo no tin nada ta sperabo toch! Maria ta lanta para. "Casualmente awe si, Mi a palabrá cu Mario Blouw pa nos topa na Fisher awe tardi 6<sup>o</sup> or. Y ami semper ta gusta puntualidad, pesey mes mi no por keda mas." "Asina, bo ta bay come cu Mario anto?" Betty ta bisa y den su wowonan ta aparece un brillo egoista. "Wei, goza bon den su compania, y cumindé pa mi." Pensativo Maria ta cana pa jega Fisher, e no ta laat, pesey el a prefera di cana.

"Kiko bo pidi ta bon", Maria ta contesta sonriendo. "Pidi loke bo kier, e ora e lo keda un sorpresa pa mi". "Nan ta cuminza come y de ves en cuando nan ta bisa algo. "Semper mi ta sinti hopi hamber, bosa Maria", e ta bisa ora cu el a cabi i come su prome tayo, y Mario ta jena pa segundo biah. "Pesey mi ta pidibo pa no rabia cu mi ta come asina tanto". "Ay mi jiu, al contrario mi ta haya esey un cualidad pa worde elogia. Y tin masha poco hende muher cu sa come asina". "Oh, mi tin hopi dia sin worry

cu mi figura", Maria ta bisa spanta. "Ta bon mes, Mario ta contesta. Pero mientras tanto Maria ta bolbe sintie intrankil. Ta kiko e ta haciendo akinan awor?"

Comiendo cu Mario ... y kiko mas? Ta kiko el a kere di su mes? Cu Mario lo bay bisa: "Y kiko bo tin na bo curazon Maria? Y kiko e por conte e ora? Esta loco mi ta, e ta pensa, semper mi ta haya sorti rilnan! Cu poco bofon e ta hiza su wenkbrouwan. En todo caso e cuminda ta smaak sabroso y e tin un saush masha dushi. Esey ta un cambio di e cuminda diario cu Juffrouw Dielemaat sa sirbi. "Mi a trece algo pa bo", Mario ta bisa, mientras e ta coy su tas di abou. Asombra Maria ta spera ta kiko. "E producto di mas nobo riba mercado di boeki Americano", Mario Blouw ta bisa, y ta pone un boeki riba e mesa, Hibe numa, lese y mi ta casi sigur cu bo ta bay guste.

Despues bo por bisami si bo kier traducie, Maria su wowonan ta cuminza brilla y su cara ta bira corra. E ta cuminza mira e boeki, Oh, Mario, cu mucho gusto. Esta un bon terciro bo tal! No por tin nada otro cu por hacimi mas felis". Asombra Ma-

rio ta hiza su wenkbrouwan. "Ami a kere cu bo no ta mucho entusiasmo cu traducción. Semper bo tabata prefera di haci bo mes trabou". Wei si, e ta contesta nonchalante. "E trabou ey .... mi por lague para pa algun dia tambe. Lo mi no muri, si mi mester keda sin hacie un paar di dia". Cu ternura Mario ta keda mira cu cuanto atencion Maria ta mirando e boeki. Ta aparece un sonrisa medio tristo y medio ironico riba su boca. Cu atencion e ta ripara Maria su cabey, su nanishi y e boca cu varios biah sa tin un impresion orgulloso riba dje. E conoce e cara aki asina bon, cu e por pinte wowo sera. Sin realizese ta baha su cabey mas serca di esun di Maria, y casi e por mishi cu su cabey. Di repente e ta spanta, y ta domina su mes. E ta pone su man riba e boeki y mesora Maria ta hiza su cabes, y nan dos ta topa cara cara. Pero riba su cara tin solamente e impresion amical, cu semper Maria tin custumber di mira. "Pakiko bo ta papia cu asina menosprecio di bo trabou Maria? Mi no tin custumber di tende esey di bo. "Cumenosprecio? Ay mi shon, ta bo idea esey ta. Amtin un respet masha grandi pa mi trabou".

"Hmm... mi ta haya cu bo mester papia cu un poco mas smaak di bo trabou. Cu atencion Maria ta keda mira su mannan. Despues e ta bisa poco bruto: Amor no por bin di un banda so. Pa un rato tur dos ta keda keto, y despues Mario ta puntra: "Kiko tin ta molestiabo Maria?" E ta drey mire cu un sonrisa riba su cara, pero mesora e ta baha su cabes bek y e sonrisa ta disparte, pasobra di repente su wowonan kier jena cu awa. Pero esaki no ta yuda, pasobra e no por sconde toch. "Loke ta pasa, cu mi no tin confianza den mi mes mas", Maria ta bisa pa console. "Pero kiko a pasabo anto Maria?", e ta puntra ta hiza su schouderman y ta morde riba su lipnan cu ta temblando. "Mi no sa. Di repente mi no por traha mas .... of mihor dicho, ya ta basta dia caba. Mi ta haye asina miserable. Claro cu mi ta traha, pero no manera antes.

Morspot e ta bira. "Pero di con anto? Bo a traha mucho hopi ultimo dianan? Of tin algo otro cu ta den bo caminda?" "Si, tin algo otro .... algo cu ta .... algo cu a bin strobami den mi trabou. Y no tin nada pa yudami, ningun hende por sacami di e situacion. Ta mi mes a hinca mi culpa

aden. "Wei, saca bo culpa a atrobe. "Bo no sa kiko bo ta papia", e ta bisa cu menosprecio. "Kizas mihor di loke bo ta ker. Semper tin un caminda cu bo por bolbe, pero si bo kier". Maria ta keda mire duro den su cara y di repente e ta pensa cu Maria kiko tine asina intrankil miserable, cu ta strobe di haci trabou. Ta parce cu Mario plesa su pensamentonan. E ta sinte su cara bira corra, y e no por soporta su mirada mas. Y pa prome biah e ta sintie confuso cu berguensa dilanti Mario. Na e cabi come y lentamente nan sali cana pafo. Casi nan no papia nada, y Mario ta coy man tene. No laga nada den boca bida Maria. Si bo haci fout, purba dreche. Y keda te confianza den bo mes, esey masha importante. Nan a ye dilanti e cas di Maria, y Maria habri e porta pa. Prome el a drenta, Mario ta bise: "Lubida nunca Maria, cu ami serper lo keda bo amigo". "Si Mario", e ta murmura, ta sinti un krop den su garganta. Door cu el a sali cu Mario, a logra haya loke e tabata busca. Poco dia despues e ta cuminda traduci su boeki. E ta pensa e gradici e ta na Mario.

## EOTICA

Botica Aruba Tel: 1080-1081-1  
San Nicolas Botica San Luc  
Tel: 5119.

## PELICULA

De Veer; 8,30 p.m. "The Sky fighters" 18 j.  
2,00 p.m. "The Pleasure Seekers" all  
Rialto; 8,00 p.m. "John G. Farb, please Come Home" 14  
Principal; 8,00 p.m. "The House of the August Moon" all  
Aurora; 8,00 p.m. "Canadian Pacific" all  
Savaneta; 8,00 p.m. "Dos Mujeres" 18 j.

MOSCU--UPI--E presidente yugoslavia, Josip Broz Tito sali for di Moscu ayera no den trein, despues di cuater di conferencia riba China y otro temanan internacional cu e bernantenan sovietico.

Tito, quende a bai Rusia cu un bishita extraoficial pa ded su mes na un poco jaagment e demas conferencianan cu e secretario di estado di Part Comunista Leonid Brezhnev, probablemente a hasi escala na Bulgaria den un viaje di regreso su pais.

Nan ta kere qu e tres temas principal di e conferencianan e prome magistrado yugoslavo cu funcionarian sovietico ta;

--Celebracion di un conferencia mundial comunista pa trata cuestion di China, Yugoslavia ta opone tal conferencia kidoor di ta kere qu un linea comunista mundial unicamente por perhudica su propio linea accion independiente.

--E preocupacionnan sovietico relacion cu e reformanan racial di presidente Tito, tantu e politica como economia yugoslavo.

--E ofensiva nobo diplomatico economica di Alemania Occidental na Europa Oriental y nancionnan pa establecimiento di relacionnan diplomatica cu panan comunista manera Rumania y Hungria.

Tito, quende tabata compa su esposa, Jovanka, practicamente no a ser mira pe m covitonan. No tabatin comitarionan riba su bishita sino hasta ayera nochi, despues un banquete qu a ser ofrece su honor pa parti di politica sovietico.